

**Paul
TIMOTHYT
aw mohti Pēniata**

1 Nu Paul Jesus Christ ayaatnihqa it penta. God itamuy ayo ūoyhqa hapi nuy ayata, pu Jesus Christ Itahtutuyqawhqa aw itahtaqa'nañwa pīwu. **2** Nu Timothy öqalanta. Um qapēvewnit ahpiy ítii. Okiw nam Itana uñ ökwalnit, núokwat, piw kwakwhat unañwat máqani, Jesus Christ Itahtutuyqawhqay ámuma.

Warnings against False Teaching

3 Ura nu Macedoniat aqwniqe pay um hāk Ephesus ep huruhtiniqat ūmi pañqawu. Nen um haqawatuy mēwaqw, puma qa hihta alōñöt sinmuy tutuqaynayani. **4** Pu hīhihta tūtuwutsit qa aw unariwtavi'yuñwni, pu haqaqw sinototiqtat qa haqami so'taqat lavayit aw'i; taq soq pam nānap hin wuwnit tumalay'kañw, añwu qapēvewnit ahpiy pās unañwat yēsiwhqat qa put tumalay'ta. Noqw ūviy um pumuy mēwani.

5 Um añ tuptsiwni'yuñqamuy öqawhtoynaniqat ūviy nu uñ pan ayata. Um pantsakq, pumuy unañwaam qa hihta akw itséheeiyuñwni; piw qa hihta qalomáhintsakpit navoti'yuñwni. Puma pas antsa God aw tuptsiwni'kahkañw, pas antsa put aw unañway'yuñwni. **6** Taq haqawat as iit tūtuqaynayat, put añqw lasya, pu pay hihta an'ewakw yuaativaya. **7** Puma God tutavoyat sinmuy tutuqaynayaniqey tuñlay'yuñwa; piw pas qananahtsopkahkañw yuaatota; nīkañw

hihta tutuqaynayaqey qa pas antsa mātsi'yuñwa.
8 Noqw pay pi itam navoti'yuñqw, God tutavoat lolma, hak suan akw moñwvasniq'ö, **9** It navoti'yuñqee: Pi pam himu mewnitutavo haqam suan hinwisqamuy qa pumuy amuñem taviwa, pi qaanhinwisqamuy amuñemi-hakimuy qa tuqayvastotaqamuy amuñemi, piw hihta qa kaptsi'yuñqamuyu, pu qalomáhintsatskaqamuyu, pu God aw qa tunatyaltotiqamuyu, piw hihta pas āantsawat hovalantotaqamuyu, namuy, sen yumuy qöyantotaqamuyu, pu tuqwyantotaqamuyu,
10 Pu tuskapqatsit añ hinwisqamuyu, pu tahtaqt tahtaqtuy amumum nähahlayyaqamuyu, piw tūuuyiñwyaqamuyu, pu a'tsatuyu, pu pas qaatsátotaniqey pañqaqwat atsátotaqamuy amuñemi. Noqw hak suan tutuqayhpit qa an hinmaqat pay mewni piw put eñem taviwa. **11** Pam tutuqayhpí lomatuawit qaöwíhintaqat amum súnanta, it lomatuawit God ahpiy inumi mātaviwhqat ámuma. Nam pam sútsep tayawintiwa.

Gratitude for God's Mercy

12 Nu Itahtutuyqawhqay Jesus Christ pas hahlayi. Kwakwhat pi pam nuy qa atsat hinmaqat pan inumi tuptsiwhqe, nu put eñem tumalay'taniqat aw nuy ayata, pu piw nuy öqalmaqa. **13** Ura nu hisat put aqw hiñqawlawhqe, put sinomuyatuy okiwsahsana, pu nu pumuy qalomáyuaatañwu. Níkañw nu nāto qa tuptsiwni'taqe öviy hihta hintsakqey qa navoti'ta. Noqw öviy Tutuyqawhqa nuy ökwatuwhqe, **14** Núokway nuy qaöwímaqa; nihqe nuy pan unañwtoynaqw, nu Jesus Christ aw tuptsiwe'

pas pavan put aw unañway'tani. **15** Noqw i' yan lavayi pas antsaniqw, tatam sinom sohsoyam put kwusuyani: I' Christ Jesus qaanhinwisqamuy ayo óyaniqe tūwaqatsit aw pítuhqata. Noqw nu' hapi qaanhinwisqamuy amuñaqw pas mohpeq'a. **16** Niķańw pay Jesus Christ yaniqw nuy õkwatuwa, pam inuhpiy mohti wuhkomaqaptsiy mahtaknaniqe óviy'o. Noqw yahpiy haqahpiy sohsoyam put aw tuptsiwyaqam qatsit qa so'taqat himuy'vayaniqey navoti'yuńwni. **17** God hapi sutsep Mońwi, qa mokńwuqa, qa taymataqnihqa, piw pam-sa hapi sūka suyan unañwtalwuwni'ta. Nam pam sutsep aqwhaqami kaptsi'tiwa, piw tayawintiwa. Nam antaa. **18** Taa, ítii Timothy, ura hakim tuptsiwni'yuńqam uń hinhtiniqat ańwu pay yuaatota. Noqw óviy nu uń it ayatani: Um God eńem hihta qalolmat aw rohommani. **19** Um qapēvewnit ań hinmani; kurs himu haqam qalomáhintaqw um uh'unañway ep navote', qa pantsakni. Taq haqawat qa pan hinwisqe, tuptsiwniy ayo yukuya. **20** Ura Hymenaeus piw Alexander panhti. Noqw óviy nu pumuy Satan aw mātavi, puma pāpu God aqw qa hinqawniqey tuwi'vaniqat óviy'o.

2

Church Worship

1 Noqw óviy nu yan ūmi lavayhtini: Itam sohsokmuy sinmuy amuňem mohti pas okiwhtiwisni, nāwakinwisni, pu amuňem aw hihta tūvińlalwani, amuňem aw kwakwhalalwani, **2** Tis óviy ań pas momńwituy, pu ań öqalat

pasiwyuñqamuy amuñemi. Nen itam sutmakiwtaqt pās uyiawatqaqt qatsíyesni, pās tunatyawkahkañw, qa atsáy'kahkañwo.

³ Pi yan itam suan hinwise', God itamuy ayo ñoyhqat unañwveyani. ⁴ Pam sohsokmuy sinmuy ayo nōñakniqat nāwakna, pu put lavayiyat pas antsanihqtat tuwi'vayaniqata.

⁵ Pi God hapi pas sūkaa. Noqw God pu sinmuy amuhtsave wúnuhqa pas sūkaa, i' taqa, Christ Jesus. ⁶ Ura pam sohsokmuy sinmuy mātapniqe ñoviñ nātavi. Piw tuwaniyat aw pituqw, pam nuhtuhpa' navotniwa. ⁷ Noqw ñoviñ nu put aw lavaytaviwa, pu ayaiwtaniqeyu. (Nu hapi Christ atpip pas súañqawu; nu qa atsálawu.) Nu imuy qa- Jew- sinmuy amumi ayatiwa, pumuy lomatuawit aw tuptsiwye', lavayit pas antsanihqtat añ hinwisniqat pan pumuy tutuqaynaniqe ñoviñ'o. ⁸ Paniqw ñoviñ sohsovik tahtaqt may qahováriwtaqt akw ñomi māvuyawkahkañw, God aw nāwakintotaniqat nu nāwakna, qa itsívuiwkahkañw, pu piw qa pēvewni'kahkañwo. ⁹ Pu pay amún piw ima momoyam hamanay'kahkañw, pās unañway'kahkañw, yüyahniqey qa pan tunatyawyuñwni-sikavalasivata, pu pearls pīwu; pu qa hīhin hōmiy aw yuykuyani, pas pay pumuy piptsantotaniqat ñoviñ'o.

¹⁰ Puma qa panyuñwt, lomahintsakpiy akw namtakni'yuñwni. Pi pam pantaqá momoymuy God pas kaptisi'yuñqamuy súamuhpee. ¹¹ Pay wuhti qahiñqawkañw, okiw unañway'kañw,

God lavayiyat nanatuwnamantani. ¹² Pu
wuhti tütutuqaynaniqat nu qa nakwha, pu
tāqat aw moñw'iwtamantaniqata; pay pam qa
hiñqawlawmantani. ¹³ Pi Adam mohti yukiwa;
noqw añk pu' Eve yukiwa. ¹⁴ Pu Adam atsat
qa tuptsiwa; pi wuhti ūnatoyniwhqe, mewnit ep
qaanhti. ¹⁵ Níkañw pay kurs pam puwsuñway
amum namiyukit qa hovale', nāmi unañway'te',
suan qatsit añ pās hinme', pam tiylawhqeey añ ayo
yámakmantani.

3

Leaders in the Church

¹ I' hapi pas antsaas: Hak God sinomuyatuy
amumi tunatyawtaniqey tuñlay'taqa lolmat
tumalat tuñlay'ta. ² Taay, noqw i' hapi hak
God sinomuyatuy amumi tunatyawtaqa
pas qa hihta ep tukopniwtamantani; sūkw
wuhtit kōñaatmantani; nāmi tunatyaltimantani;
pasi'nañway'tamantani; lomahintsakmantani;
kiy ep sinmuy õoyhtimantani; sinmuy
tutuqaynaniqey tuwi'tamantani. ³ Honaqkuyit
qa hīhikwni; qa a'ño unañway'tamantani; sīvat
qa nanaqashintamantani; qa suy'tsiptimantani;
qa a'ño hiñqawnummantani; qa nāp hihta himuy
qa tuñlay'tamantani; ⁴ Kiy ep yesqamuy suan
oyi'tamantani; timuy amumi tuyqawi'tamantani;
pu timat nay kaptsi'yuiwmantani. ⁵ Puyaw hak
haqam kiy ep yesqamuy suan oyi'taniqey qa
tuwi'taqa tis pam hin God sinomuyatuy oyi'tani?
⁶ Qa puhutuptsiwhqamantani; taq nāp hisat ka
pam kwivi'nañwtiqw, God put eñem qalolmat

yúkuni, pam Nukpanat eñem hin yúkuhqey pan'i.
7 Pu òviy piw pam qatuptsiwni'yuñqamuy amuhpiy aw lomanavotiwtamantani; taq nāp hisat sen hak hihta ep put òvelantaniqw, pam Nukpanat hūwiyat aqw pákini.

Helpers in the Church

8 Pu ima ań tu'sawni'yuñqam piw amún pasi'nañway'yuñwni; qa neveqyuuatotani; honaqkuyit qa hihikwyani; sīvat qa nanaqashinyuñwni. **9** Unañway pasiwkahkańw, hihta as tupkiwtanwuqat itam tutuqayyaqw tuptsiwyaqey nuy'yuñwni. **10** Pu ason piw ima mohti aw pohtiyamantani; nen kurs qa hihta akw hinyuñwe', pahsat pu tu'sawni'taqat qeniyat ep hoñvamantani. **11** Pu òviy pay nōmamat piw amún pasi'nañway'kahkańw yesni; qa kokoliyawhtni; suyan unañway'yuñwni; sohsok hihta ań qa atsáy'wiskahkańw hinwisni. **12** Pu tu'sawni'taqat sūkw wuhtit kōñaatmantani; timuy, pu kiy ep yesqamuy suan pās oyi'tamantani. **13** Pi ima suan tu'sawni'yuñqam pas kaptsi'tiwyawu; piw Christ Jesus aw tuptsiwnit qananahtsopkahkańw yuaatotani.

The Great Secret

14 Noqw pay hisnen nu qa pas hisattiqw ūmiqniqey wūwankańw, īit ūmi penta. **15** Nīkańw kurs nuy qa ītsniqw um God sinomuyatuy amuhpa' hin hinnumniqey navoti'tani; puma hapi God qátuhqat aw tōnawtaqamu. Puma God lavayiyat pas antsanihqat makiway'yuñqe, put òmi nuy'yuñwa. **16** Pi itam God pas kaptsi'yuñwa,

hihta as tupkiwtaiñwuqat pas antsa qaöwíhintaqat
 nuy'kahkañwo, it'a:
 Sus'öqaltutuyqawhqa tokoy'vaqe namtakna;
 God Hikwsiat put qahováriwtaqat pan nuhtumi
 mahtakna;
 God hoïñviaymat put tuway'numya.
 Sopkawtaqamuy sinmuy amumi pam yuaatiwa;
 Pu tūwaqatsit ep sinom put aw tūtuptsiwa.
 Pam ömiqatsit aw wíkiwhqe, pep kaptsi'tiwa.

4

False Teachers

¹ Noqw Qahováriwtaqa Hikwsí hapi pas suyan pañqawu, yaw haqami so'ñwamiq haqawat tuptsiwnit añqw lasyaniqata. Nen hakimuy nukpanhihikwsimuy akw tuyqawiwkahkañw, tūunatotoynayaqamuy amumi puma tuqayvastotani, pu qasuan tutuqayhpiyamuy aw'i. ² Ima pan tūtutuqaynayaqam God aw tuptsiwni'yuñqey atsá'ykahkañw pañqaqwani; nihqe soon puma qaanhtotiqey unañwpeq navoti'yuñwni. ³ Piw puma hak haqam nōmataniqat, piw puwsuñwtaniqat tūmewantotani, pu hihta nōsiwhqat nōnovaniqata. Noqw pay God hapi nōsiwhqat yuku. Noqw ima tuptsiwni'yuñqam, pu God tunatyayat pas antsanhqat navoti'yuñqam hahlaykahkañw put ömalalwani. ⁴ Pi sohsoy himu God ahpiy yukiwtaqa hapi lolma; noqw öviy soon himu ayo yukiwni, hak put tsúyakniniq'ö. ⁵ Pi pam God lavayiyat akw pas hímuniwhtiñwu, pu nāwakinpit akw'a.

A Good Servant of Christ Jesus

6 Pay um īit yantaqat tuptsiwni'yuñqamuy u'nantoyne', um Jesus Christ eñem suan tumalay'tani, itahtuptsiwniy ahpiy lavayit akw öqawi'kañwo, pu suan tutuqayhpit añ hinmaqey akw'a. **7** Níkañw um añ an'ewakw tūtuwutsit, pu momoymuy lavaysaskwiyyamuy qa aw unañwtavi'tani. Lolmat qatsit añ um nāö'qawnani. **8** Hak wáriktuwanlawhqa pay hihsavø put akw moñwvastiñwu. Noqw pay hak God pas kaptsi'taqa hapi put sutsep akw a'ño moñwvasñwu, it qatsit ep'e, pu qatsit nātoniqat ep pīwu. **9** I' lavayi pas antsaniqw, tatam sinom sohsoyam put kwusuyani. **10** Pi itam paniqw maqsonlalwakañw, itamumiq hīhiñqaqwaqat ep nakwhani'yuñwa, ispi itam God qátuhqat aw yanyuñqe öviy'o. Pam hapi sohsokmuy sinmuy ayo öoya, tis pi öviy imuy tuptsiwni'yuñqamuyu. **11** Iit um nuhtumi tutaplawni, put tūtutuqaynani. **12** Qa hak hapi ūmi qa kwañwátaytani, um nāto tsākwnihqat ep'e. Noqw um hapi nahpe imuy tuptsiwni'yuñqamuy hin hinyuñwniqat amumi namtakni'tani. Um pās yuaatani; um pās hinmani; um nuhtumi unañway'tani; um pasi'nañway'tani; um tuptsiwnit añ hinmani, pu kwañw'ewakw qatsit aña. **13** Um nuy hisat aw pítuniqat aw pahsavo nuhtuni tutuvenit añ túñwantaniqey aw unañwtavi'tani, pu tūökwhaniqeyu, pu tūtutuqaynaniqeyu. **14** Um hihta nahpe uhmakiway qa tatami'tani; pam hapi pantaqa ura wukw'a'yat ūmi matyawkahkañw, hin hintaniqat lavayhtoqat ahpiy ūmi noiwa. **15** Um īit aw wūwantamantani; um awsa yuki'tani;

noqw uñ öqawi'maqw, pam sohsokmuy amumi mātaktini. ¹⁶ Um nāmi tunatyawtani, pu tutuqayhpit aw'i. Um yūmosa panme' hapi ayo nātavi'mani; pu ūmi tūqayyuñqamuy piw ayo óyani.

5

Responsibilities toward Believers

¹ Hak wūkw qa qöhqöyat, naynihqat pan aw pās yuaatamantani; pu pay añ qa wūwukwmuy uhtupkomnihqat pan'i, ² Pu añ wūwukwmuy momoymuy úñumnihqat pan'i, pu pay qa wūwukwmuy uhsiwamnihqat pan'i, qanānaphin wūwankañwo. ³ Pu um añ koñnanalvutuy pas antsa nanalvutuy kaptsi'tani. ⁴ Kurs haqawa koñnalavu tímuy'taqw, sen mōmuy'taqw, pay puma tuwat put pāsy'e, kiy aw wikye', pep tavi'yuñwmantani. Yan puma God unañwveyani. Pi pam añ tuptsiwni'yuñqamuy amumi put tuñlay'ta. ⁵ Noqw i' hapi pas antsa nalqatqa God aw yankañw, mimhikqat, pu talöñwiwmaqat añ yūmosa put aw okiwhtimañwu, pu nāwakinmañwu. ⁶ Nawus pi koñnalavu kwañwáewhqatqa nāt as taykañw pay soñawnen mokpuniñwu. ⁷ Yan um pumuy amumi hiñqawmaqw, puma qa hihta akw hinyuñwni. ⁸ Kurs haqawa sinomuy hihta akw yesniqat amuñem qa hintsake', tis pi ñoviy pas amum ki'yuñqamuy amuñem pam qa pantsake', pam hapi tuptsiwniy ayo yuki'tani; nihqe qatuptsiwni'taqat epnihqe pas qa súantani. ⁹ Pu i' hak koñnalavu payhp sunat yahsañwni'taqa pas sūs puwsuñwtaqw, pay um púmuy-sa koñnanalvutuy pan pohtoylani'tani.

10 I' hak pan pohtoylaniwhqa hapi hihta lolmat hintsakqey akw aw navotiwtamantani, timuy suan wuñwnaqapīwu, hakimuy kiy ep pās ñoyhqee, pu God sinomuyatuy kukyamuy pāhomhqee, pu hihta akw okiwhinyuñqamuy ep amumi unañwtapqee, pu hihta lomahintsatskiwhqat añ ahsupoq añ hinmaqee. **11** Nikañw um añ momoyhoymuy koñnanalvutuy pay qa nakwhani, taq puma Christ qa hihtatote', pahsat puwsuñwtotaniqey unañwtotinwu; **12** Nen qaanhottiñwu, motivasiwniy ayo yukuyañwuniqee. **13** Puma pantote', qa hihta hintsatskat, panis tuwat kīnawit yuñtinumyañwu. Pu puma qa panis panyuñwt, hīhihta yuaatotañwu; qa nāp hihta himuy añ sus'itsyañwu, pay as hihta qa yuaatotanikaiw soq pantsatskañwu. **14** Paniqw ñviy nuyniqw puma puwsuñwtote' tiy'ooyyan; nen kiy, pu timuy amumi tunatyawayuñwni. Noqw sinom amumiq hiñqaqwaqam pāpu qa hiñqaqwani. **15** Taq haqawat pay Satan aw lasya. **16** Kurs haqawat tāqat sen wuhtit tuptsiwni'taqat ahpiviat koñnalvutiqw, pay pam put aw unañwtavi'tani; noqw God aw tōnawtaqam qa pumuy amumi enañ tūkwaiwyuñwni. Nen puma añ pas qa atsat nanalvutuy amumi unañwtavi'yuñwni. **17** Pu ima añ wukw'a'yat pas suan nuhtumi tunatyawayuñqam pas pavan kapttsitiwyani, tis ñviy God lavayiyat yuaatotaqamu, pu tūtutuqaynayaqamu. **18** Pi ura tutuvenit añ yan pey'ta: Um wākasit söhövosit muritaqat motsóvuat qa sommantani, kita; pu piw yanwata: Pay tumalay'taqa ahsatiy

hihkay'tańwu, yan'i. ¹⁹ Pu um wukw'ayat hihta qalománeveltoynayaqw, put qa kwúsumantani, ason pas lőyöm sen pahyomhaqam put pas suyan navoti'yuńqey pańqaqwaqw, pu' um aw tuwantamantani. ²⁰ Pu ań qaanhintsatskaqamuy sinmuy sohsokmuy amutpip u'namanmantani; noqw ahpiy sinom tsātsawnamantani. ²¹ Nu hapi God, pu Itahtutuyqawhqay Jesus Christ, pu pas namorstiwyaqamuy hońvia'yatuy amutpik ūmi pas pańqawni: Um hapi qa hakiy sūkw-sa pas hihtay'kańw, yan hinmani, qa sūkw-sa eñem tunatyawkańwo. ²² Pay um qa pas hakiy God tumalayat aw suhpanamantani, sen um qa pas aw hin suyan navoti'tee. Taq ka pam qaanhinmaqw, sinom uń ańvaiwtaqat wūwayani. Um nāmi tunatyawte', suan hinmani. ²³ Pay um pāpu qa kūyit-sa hīhikwt, pay hisaq wine hikwmantani, uhponoy qa kwańwáhintańwuniqw ōviy'o; pi um piép hinhtińwu. ²⁴ Haqawatuy qaantsakpiam yep qatsit ep susmataqtiqw God amuñem qalolmat yúkuniqw, pam pay navotiwta. Noqw pay haqawatuy qaanhintsakpiam tupkiwyuńwa; nikäńw ason hin yukiltiniqat aw pituqw pep pu' sohsoy mātaqtini. ²⁵ Pu pay ōviy piw pan haqawatuy lomahintsakpiam ańwu pay mātaqya, pu ahpiy pay qa mātaqyaqa soon qa nāto mātaqtini.

6

¹ Pu ima ań tūtuwikt, mońwímuy hapi ahsupoq hihta ań kaptsi'yuńwni; noqw qa hak God, pu put tutuqayhpiyat hinwat ōvelani. ² Pu ima ań tuptsiwni'yuńqamuy mońwi'muy'yuńqam pay soq pi pumuy tuptsiwni'yuńqw pumuy qa

hihtay'yuñwniqey qe'yani. Puma qa panyuñwt, amuñem suhtaq'ewkahkañw, tumalay'yuñwni, it añ wūwankahkañwo: Ima pumuy akw moñwvasyaqam pay pumuy amún God aw tuptsiwni'yuñqe put aw unañwamatu.

False Teaching and True Riches

Iit yantaqat um tūtutuqaynakañw, añ ökwhantani. ³ Haqawat ka it tutuqayhpit súantaqat qa nānawaknani. Noqw it tutuqayhpi Itahtutuyqawhqay Jesus Christ lavayiyat ahpiynihqe itamuy hin Christ an yesniqat itamuy tutuqayna. Noqw puma put tutuqayhpit ayo yukuyat, hihta alönöt tūtutuqaynayani. ⁴ Puma pi kwīkwivitnihqe qa hihta navoti'yuñwa. Panis tuwat haqam nāñwuy'yuñwniqey, pu lavayit pas hin lavaytaniqey- sa tunatyawyuñwni. Noqw put ahpiy hakim hihta ep qa tsuyhtiñwu; pu nāñwuy'yuñhwu; nānamiq hiñqaqwañwu; nāismaqas'iwyuñnwu. ⁵ Puma qalomáwuwni'yuñqe, put ép nāñwuy'yuñhwu; piw hihta pas antsanihqat qa navoti'yuñwa. Púmuyniqw hak God pas kaptsi'taqa qa hihta rūrumnaniqey ep hahlayni. Pumuy panyuñqamuy um añqw áyon. ⁶ Noqw hak God pas kaptsi'taqa hihta himuy'taqey ep nakwhani'taqa pas antsa hahlayni. ⁷ Pi itam qa hihta yankahkañw, it qatsit aw öki; nihqe öviy itam qa hihta hinkahkañw, yañqw ahpiyyani. ⁸ Pay itam nōsiwhqay'kahkañw yuwsí'yuñwe', put ep nakwhani'yuñwni. ⁹ Taq ima añ kāhaktotiniqey nānawaknaqam unaheppit hūwit antaqat aw ökiñwu; pu hīhihta an'ewakw qalomátunatyawyuñwa. Noqw

put akw sinom nāhovalaye', súlawhtiñwu.
10 Pi hak sīvat pas hihtay'te' sohsok hihta qalomáhintsakpit aw unaheviwñwu. Put hapi haqawat nānawaknaqe, qapēvewnit ańqw lasya; nihqe hīhihta qahahlayhpit akw nāsōskwiyaqe, nātuhotota.

Personal Instructions

11 Noqw ūm'i, um God tumal'ayaata, pay um iit yantaqat ayo yuki'tani. Um Christ an suan hinmaqey ań ö'qalni, qapēvewnit ań hinmaniqeyu, nuhtumi unańway'taniqeyu, qa īts hin unańwtiniqeyu, okiw'unańway'taniqeyu.
12 Um itahtuptsiwniy öviy hihta qalolmat aw rohommani. Um qatsit qa so'taqat nuy'tani; put aw um wárñwayniwa, um wūhaknihqamuy sinmuy amutpip God aw tuptsiwni'taqey pańqawhqe.
13 God hapi sohsok taytoynańwuqa ūmi tayma, Christ Jesus ámuma. Ura pam Pontius Pilate atpik suan namtakna. Noqw öviy pumuy amutpip nu ūmi pas pańqawni: **14** Um uhtumalmakiway suan hinhtini. Hisat Itahtutuyqawhqa Jesus Christ mātaktiniqat aw pahsavo qa hak un hihta ep tukopnani. **15** Pi hisat aw pituqw, pam namtaknani, God put eñem tokiltaq'ö. Pam hapi Sus'öqalanihqe, pas kaptstitwhqat sohsoyam navoti'yuńwni. Pi pam hapi sinmuy mońwímyatuy amumi Mońwi, piw pumuy tutuyqawhqayamuy amumi Tutuyqawhqa.
16 Pam sūka pas qa mokńwu, pas suyan tālat ep ki'ta; noqw soon hak put aw pítuni; kurs hin hak haqam put aw yórikni. Nam sohsoyam yūmosa put kaptsi'yuńwt, put- sa öqalay'taqat

pañqaqwani. Nam antaa. ¹⁷ Um yep qatsit ep hihta a'ño himuy'yuñqamuy amumi pañqawhq, puma qa pas hihtunihqey namiuwuantotani; pu kāhakiwuy pay kurs hintaniqat qa aw yanyuñwt, God qátuhqat aw yanyuñwi, itamuy hihta añ nāvokawintaniqat ōviy itamuy sohsok hihta qaöwíhuylawhqat aw'i. ¹⁸ Nen puma hihta lolmat hintsatske', hihta qa kahkawnayat, tūhuytotaniqey suhtaq'ewyani; nen lomatumalay ahpipy kāhak'iwuñwni. ¹⁹ Nen hisat aw talöñvaniqat añwu aw hihta qa hinhtiñwuqat nenñem waranhtote', qatsit qaso'taqat himuy'vayani. ²⁰ Pas aw iunañwa Timothy, um hapi hihta ûmi noiwhqat aw tunatyaltini. Nen nukuslavayit, pu an'e'wakwlavayit qa aw unañwtavi'tani. Piw himu navoti itahtuptsiwniy amum qa súnantaqat um qa aw hintsakni, pam pi pay qa pas antsa navoti. ²¹ Noqw haqawat put aw lasyat, itahtuptsiwniy tatamhtota. Nam Jesus Christ nûokwaat umum yantaa. Nam antaa.

God Lavayiyat An Puhuvasiwni New Testament in Hopi (US:hop:Hopi)

copyright © 2012 Wycliffe Bible Translators, Inc.

Language: Hopi

Translation by: Wycliffe Bible Translators, Inc.

Hopi [hop], USA

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Hopi

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 11 Nov 2022 from source files
dated 29 Jan 2022
f1558f03-6e18-5edf-b292-77ef05524aff